

## Сподоби Господи

**Сподоби, Гóсподи, в вéчер сéй без греха сохранíтися нáм./ Благо-  
словén еси, Гóсподи, Боже отец нáших,/ и хвáльно и прославлено имя  
Твое во вéки. Амíнь.**

**Бúди, Господи, милость Твоя на нас, якоже упováхом на Тя./ Благо-  
словен еси, Гóсподи, научи мя оправдáнием Твоím./ Благословén  
еси, Влады́ко, вразуми мя оправдáнием Твоím./ Благословен еси,  
Святый, просвети мя оправдании Твоими.**

**Гóсподи, мíлость Твоя во век, дел руку Твоею не прéзри./ Тебе по-  
добает хвала, Тебе подобает пéние,/ Тебе слава подобает, Отцу и  
Сыну и Святому Дúху, // ны́не и прíсно и во веки веко́в, амíнь.**

**На литии стихира храма.**

### Таже самогласны святых всех. Глас 1:

**Веры согласиём мирское торжество,/ от века Богу благоугодивших,/ патриархов честное и пророков сословие,/ апостолов удобрение, мучеников собрание, постников похвалу,/ всех святых память духовне празднуим:/ молят бо ся непрестанно,/ дароватися миру миру, // и душам нашим велией милости.**

**Приидите вси вернии, святых всех всеславную память, во псалмех, пениях и песнях духовных восхвалим: Крестителя Спасителя, апостолы, пророки и мученики, священноначальники, учителя же и преподобныя, постники и праведныя, и святых жен боголюбное состояние, честно ублажающе, согласно возопиим: Преблагий Христе Боже наш, тех молитвами подаждь мир Церквам Твоим, победы на враги христолюбивым людем, и душам нашим велию милость.**

**Приидите вси духовне возвеселимся о памяти святых: се бо прииде богатотворная нам дарования приносящи. Темже во гласе радости, и чистой совести возопиим, глаголюще: радуйтесь пророков сословие, иже пришествие Христово миру проповедавшие, и яже издалеча, яко близу предвидевше. Радуйтесь апостольский личе, языков мрежницы, и ловцы человеков. Радуйтесь мучеников соборе, от конец земли собравшийся во едину веру, и о той мук томления претерпев-**

шии, и совершенне страдания венец приемшии. Радуйтесь отцев наслаждение, своя телеса пощением истаявше, и умертвивше страсти плотския, ум божественным рачением вперисте, на небеса возлете-сте, и со ангелы водворяющесе, восприемлете вечная благая. Но о пророцы, апостоли, и мученицы с постники, вас Венчавшаго прилежно молитесь, избавитесь от враг видимых и невидимых, в вере и любви совершающим присно честную память вашу.

### Слава: глас 5:

**Н**ынешнему торжеству стецемся вернии: предлагает ся и нам духовная трапеза, и чаша таинственная от сладких брашен, веселия исполнена мученических добродетелей. Сии бо терпеливодушни от конец земли, телесное всеразличным предавше ранам, Богу принесоша жертву словесну, всякий возраст: ови убо во главы усекаеми, ови же по хребту стружеми: друзии же рук отсечение и всех удов, вси вкупе святии Христовым страданием общницы быша. Но венцы тем возмездие мук подавый Господи, во след тех жительствовати сподоби нас, яко Человеколюбец.

### И ныне: Богородичен, глас тойже:

**Х**рам и дверь еси, палата и престол Царев, Дево Всечестная: Еюже Избавитель мой, Христос Господь, во тме спящим явися, Солнце сый правды, просветити хотя, яже созда по образу Своему рукою Своею. Темже Всепетая, яко матерне дерзновение к Нему стяжавшая, непрестанно моли спаситися душам нашим.

### НА СТИХОВНЕ СТИХИРЫ ВОСКРЕСНЫ. ГЛАС 8:

**В**озшел еси на Крест Иисусе, / снизшелый с небесе: / пришел еси на смерть Животé Безсмертный, / к сущим во тме Свет истинный: / к падшим всех воскресение, // просвещение, и Спасе наш, слава Тебе.

**Стих:** Господь воцарися, / в лепоту облечеса.

**Х**риста славословим, воскресшаго от мертвых: / душу бо и тело прием, / страсти отобоюду отсече, / пречистей убо души во

ад сошедшей, егоже и плени:/ во гробе же истления не виде святое тело, // Избавителя душ наших.

**Стих:** Ибо утверди вселенную, / яже не подвижится.

**Псалмы и песньми славословим Христе, от мертвых Твое Воскресение: имже нас свободил еси мучительства адова, и яко Бог даровал еси жизнь вечную, и велию милость.**

**Стих:** Дому Твоему подобает святыня Господи, / в долготу дней.

**О Владыко всех непостижиме, Творче небесе и земли, Крестом пострадавый, мне безстрастие источил еси: погребение же прием, и воскрес во славе, совоскресил еси Адама рукою всеильною. Слава Твоему тридневному востанию, имже даровал еси нам вечную жизнь, и очищение грехов, яко един Благоутробен.**

### **СЛАВА: ГЛАС 6:**

**П**риидите вернии, днесь лик совокупивше, / благочестно торжествуем, / и всех святых преславную и честную память славно почтим, глаголюще: / радуйтесь апостоли сла́внии, / пророцы, и мученицы, и священноначальницы. / Радуйтесь преподобных соборе и праведных. / Радуйтесь честных жен лице, / и Христа о мире молите, / победы на сопротивныя даровати, // и душам нашим велию милость.

### **И НЫНЕ: БОГОРОДИЧЕН:**

**Т**ворец и Избавитель мой, Пречистая, / Христос Господь из Твоих ложесн прошед, / в мя оболкийся, первыя клятвы Адама свободи. / Темже Ти, Всечистая, / яко Божии Матери же и Деве, воистину / вопием немолчно: / радуйся ангельски, радуйся Владычице, // предстательство и покрове, и спасение душ наших.

**По Трисвятом тропарь: Богородице Дево радуйся: дважды.**

**И святых, глас 4:**

**И**же во всем мире мученик Твоих, / яко багряницею и  
вѣссом / кровью Церковь Твоя украсившися, / теми вопиет  
Ти Христе Боже: / людям Твоим щедроты Твоя низпосли,  
мир жительству Твоему даруй, // и душам нашим велию  
милость. **Единощи.**

**И благословение хлебов. И чтение Послания соборнаго Иаковля.**

**Псалом 33:**

**Б**лагословлю Господа на всякое время, / выну хвала Его во  
устех моих. / **О** Господе похвалится душа моя, / да услышат  
кротцыи, и возвеселятся. / **В**озвеличите Господа со мною, / и  
вознесем Имя Его вкупе. / **В**зысках Господа, и услыша мя, / и  
от всех скорбей моих избави мя. / **П**риступите к Нему, и про  
светитесь, / и лица ваша не постыдятся. / **С**ей нищий воззва, и  
Господь услыша и, / и от всех скорбей его спасе и. / **О**полчит  
ся ангел Господень окрест боящихся Его, / и избавит их. /  
**В**кусите и видите, яко благ Господь: / блажен муж, иже упо  
вает Нань. / **Б**ойтесь Господа, вси святии Его, / яко несть ли  
шения боящимся Его. / **Б**огатии обнищаша и взалкаша: /  
взыскающии же Господа // не лишатся всякаго блага.

**Аще ли убо не творится бдение, на Господи воззвах: воскресны 3: и восточен [анатолиев] един, и святых на 6. Подобен: Отложивше:**

**По Трисвятом тропарь воскресен: Слава: святым: И ныне: Богородичен: писаны в начале Утрени. И отпуст. На Полунощнице канон Троичный от Октоиха, гласа.**

**НА БОГ ГОСПОДЬ: ТРОПАРЬ ВОСКРЕСНЫЙ, ГЛАС 8.**

**С**высоты снишел еси Благоутрѣбне,/ погребение приял еси триднѣвное,/ да нас свободиши страстѣй,// животе и воскресение наше, Господи слава Тебе.

**СЛАВА: СВЯТЫМ ТРОПАРЬ, ГЛАС 4:**

**И**же во всем мире мученик Твоих,/ яко багряницею и вѣссом/ кровью Церковь Твоя украсившися,/ теми вопиет Ти Христе Бѣже:/ людем Твоим щедроты Твоя низпосли,/ мир жительству Твоему даруй,// и душам нашим велию милость.

**И НЫНЕ: БОГОРОДИЧЕН:**

**Е**же от века утаенное,/ и ангелом несведомое таинство,/ Тобою, Богородице, сущим на земли явися Бог,/ в неслитном соединении воплощаемь,/ и Крест волею нас ради восприим:/ имже воскресив первозданнаго,// спасе от смерти души наша.

**Полиелей.**

**Тропари воскресные, глас 5:**

**Б**лагословен еси, Господи,/ научи мя оправданием Твоим./ **А**нгельский собор удивися,/ зря Тебе в мертвых вменившася,/ смертную же, Спасе, крепость разориша,/ и с Собою Адама воздвигша,// и от ада вся свободиша.

**Благословен еси, Господи: Почто** мира с милостивными слезами,/ о ученицы растворяете?/ **Б**листаясь во гробе ангел/ мирносицам вещаше:/ видите вы гроб и уразумейте,// Спас бо воскресе от гроба.

**Благословѣн еси, Гóсподи:** Зело рано мироносицы течáху/ ко грóбу Твоему рыдáющия,/ но предста к ним áнгел, и речé:/ рыдáния время преста, не пла́чите,// воскресение же апóстолом рцýте.

**Благословѣн еси, Гóсподи:** Миронóсицы жены, с миры прише́дша/ ко грóбу Твоему, Спасе, рыдáху,/ ангел же к ним рече, глагóля:/ что с мёртвыми Живаго помышля́ете?// Яко Бог бо воскресе от грóба.

**Сла́ва Отцу и Сыну и Святому Дúху./ Поклонímся Отцú,/ и Егó Сынови, и Святому Дúху,/ Святéй Троице во еди́ном существе́,/ с Серафимы зовúще:/ Свят, Свят, Свят еси, Гóсподи.**

**И ны́не и присно и во веки веко́в. Аминь./ Жизнодавца рóждши,/ грехá, Дево, Адама избáвила еси,/ рáдость же Еве в печали место подáла еси;/ падшия же от жízни/ к сéй напра́ви,// из Тебе воплотívыйся Бóг и Человéк.**

**Аллилуия, аллилуия, аллилу́ия,/ слава Тебе, Бóже. Трижды.**

**Степенна, глас 8. Антифон 1:**

**Прокимен, глас 8: Воцарится Господь во век,/ Бог твой Сионе в род и род. Стих: Хвали душе моя Господа, восхваляю Господа в животе моем. Всякое дыхание:**

**Евангелие от Матфеа воскресно, 1 утреннее, зачало 116. [Мф. 28, 16 – 20.] От сего убо дне утрення Евангелиа воскресна начинаем чести по ряду.**

**Воскресение Христово: И псалом 50.**

**Слава, Молитвами святых апостолов: И ныне: Молитвами Богородицы:**

**Помилуй мя, Боже: Стихира, глас 6: Воскрес Иисус от гроба:**